

Մ. Յ. ԲՈՋՈՂՅԱՆ

ՕՍՄԱՆՅԱՆ ԿԱՊԱԼԱՅԻՆ ՀԱՄԱԿԱՐԳԻ (ԻԼԻԺԱՄ) ՊԱՏՄՈՒԹՅՈՒՆԻՑ

Օսմանյան կայսրության ֆեոդալական ինստիտուտների շարքում իր ուրույն տեղն ունի հարկահանության կապալային, այսպես կոչված՝ իլթիզամի համակարգը։ Սկիզբ առնելով կայսրության պատմության առաջին հարյուրամյակներում, այն գոյատևել է ընդհուպ մինչև XIX դ. վերջերը և, բնականաբար, խոր հետքեր է թողել երկրի սոցիալ-տնտեսական կյանքում։

Իլթիզամը վաղուց գտնվում է Թուրքիայի միջնադարյան և նոր պատմությունն ուսումնասիրող մասնագետների ուշադրության կենտրոնում։ Տարբեր աշխատություններում սույն հարցին անդրադարձել են ինչպես սովետական, այնպես էլ արտասահմանյան հեղինակները¹։ Սակայն մինչև օրս այն հատուկ ուսումնասիրության առարկա չի եղել։ Այս առումով ներկա աշխատությունը իլթիզամի էությունը և զարգացմանը նվիրված առաջին փորձերից մեկն է և, հետևաբար, չի կարող հավակնել սպառիչ լինելուն։ Ի՞նչ բան է իլթիզամը, ե՞րբ և ի՞նչ պայմաններում է սկիզբ առել, զարգացման ի՞նչ փուլեր է անցել և ինչ դեր է խաղացել կայսրության սոցիալ-տնտեսական կյանքում։

Պետական հարկերի գանձման իրավունքի վաճառքը մասնավոր անձանց՝ որոշ դրամական փոխհատուցումով, որը լայն տարածում էր գտել Օսմանյան կայսրության տարածքում, պատմական գրականության մեջ հայտնի է որպես իլթիզամի համակարգ։

Ինչպես հայտնի է, առևտրից, արհեստներից և հողագործությունից ստացված եկամուտները կուտակվում էին մայրաքաղաքում գտնվող պետական գանձատնում (harine-i ümera)։ Եկամտի աղբյուրները կոչվում էին մուկատաաներ (mukataat)²։ Օրինակ, մետաքսի արտադրությունից և առևտրից կորզվող հարկերի և տուրքերի միագումարը կոչվում էր մետաքսի մուկատաա (ipek mukataasi), աղի արդյունահանումից ստացվող եկամուտը՝ աղահանքերի մուկատաա (tuz mukataasi) և այլն։

Յուրաքանչյուր մուկատաայի վարչություն կառավարվում էր գործերի կառավարչի (Emlin) կողմից: Այս վերջինս իր աշխատանքի դիմաց ստանում էր օրավարձ, կամ էլ իր տնօրինության տակ գտնվող մուկատաայից գանձված հավելյալ գումարը յուրացնում էր: Սակայն նկատի առնելով այն հանգամանքը, որ էմինները շահագրգռված չէին պետության եկամուտներն ավելացնել, վերջինս աստիճանաբար սկսեց նախապատվություն տալ մուկատաաներից հարկեր գանձելու իրավունքը կապալային հիմունքներով (ber yech-i iltizam) վաճառքի հանելուն³: Այսպես սկիզբ առավ իլթիզամի ինստիտուտը:

Օսմանյան ժամանակագրություններում և նրանց հիման վրա շարադրված հայրենական և արտասահմանյան ուսումնասիրություններում՝ գերիշխում է այն տեսակետը, որի համաձայն իլթիզամը արմատավորվել է Օսմանյան կայսրությունում XVI դ. կեսերից սկսած: Նման կարծիքի հետ չի կարելի համաձայնել, քանի որ վերջին տասնամյակներում հայտնաբերված արխիվային փաստաթղթերը վկայում են, որ իլթիզամը գոյություն է ունեցել շատ ավելի վաղ: Նույնիսկ թուրք պատմաբան Յ. Յուզեյը, առայժմ մեզ անհայտ աղբյուրների վրա հենվելով, պնդում է, որ այն կիրառվել է Օսմանյան պետության հիմնադրման օրից⁴: Պարզապես XVI դ. կեսերին այն տարածվել է նաև հողից գանձվող հարկերի վրա և վերածվել մի ամբողջական համակարգի:

Իլթիզամի էությունը հետևյալն էր: Յուրաքանչյուր տարի կրոնական տոներից մեկի, հաճախ ռամազանի, նախօրյակին մայրաքաղաքում և վիլայեթների կենտրոններում մուկատաաները աճուրդի էին հանվում⁵: Սովորաբար այդ իրավունքին տիրանում էին ամենաբարձր կապալագին առաջարկողները, որպես կանոն՝ պետական բարձրաստիճան պաշտոնյաները: Այդ անձինք ստանում էին մյուլթեղիմ (իլթիզամի հանձնառու) մականունը⁶:

Այն պաշտոնյան, որը մուկատաայի եկամուտների չափը տեղում որոշում և անմիջականորեն գանձում էր հարկերը, կոչվում էր ամիլ (amil): Իլթիզամի տրվող մուկատաաների ամիլները հենց իրենք մյուլթեղիմներն էին: Պետության կողմից նշանակված էմինները տեղեկում հսկում էին մյուլթեղիմների գործունեությանը: Ե՛վ էմինը և՛ ամիլը առանձին մատյաններում գրանցում էին հարկերի տեսականին և չափը, ապա երկու մատյանների տվյալները համեմատում իրար հետ: Սրանով պնդությունը ջանում էր թույլ չտալ, որպեսզի մյուլթեղիմը յուրացնի եկամուտների մի մասը⁷:

Քանի որ մյուլթեզիմը ի վիճակի չէր անձամբ շրջել ողջ գավառը և գրադվել հարկահանությամբ, նա վարձում էր գործակալներ. որոնք օրավարձով հարկահավաքի պաշտոն էին կատարում: Սովորաբար ամենակամատաքեր մուկատաաները բաժին էին հասնում մայրաքաղաքի բյուրոկրատիայի ներկայացուցիչներին, երբեմն էլ՝ խոշոր սիփահիներին⁸: Հաճախ էր պատահում, որ դեռ վարձակալության ժամկետը չլրացած, պետությունը իլթիզամը վերավաճառում էր ավելի բարձր կապալագին առաջարկողին: Ըստ թուրք հետադոտող Մ. Ակգադի վկայության, Բուրսա քաղաքի Դատական արձանագրությունների արխիվում (ser'iyye sicilleri) պահվում են այս փաստը հաստատող բազմաթիվ նյութեր: Բերենք դրանցից մեկը:

«Բուրսա քաղաքի կադիի 17 ռեջբի 864 (16 մայիսի 1557) տարեթվով դիմումից: Հեծելազորի զորամասի 21-րդ վաշտից Աբգուլքերիմը, 192-րդ վաշտից Մեհմեդը և 122-րդ վաշտից Իսկենդերը (կադիին) դիմեցին հետևյալ խնդրանքով. եթե Բուրսայի խասսա (արքունական) մուկատաաներից գանձվող մետաքսի, նժարի և մաքսերի իլթիզամը խլվի այն երեք տարով վարձած ոմն Ալիից և վաճառվի իրենց, ապա նրանք պարտավորվում են կապալագինն ավելացնել ևս 580 000 ալլահ⁹:

Պատահում էր, երբ մյուլթեզիմները տարբեր ճանապարհներով ձեռք բերած մուկատաաները տեղնուտեղը և, բնականաբար, ավելի բարձր գնեռով՝ վերավաճառում էին կամ մասնատելով կապալի էին տալիս առանձին անհատներին: Մասնատված մուկատաայի յուրաքանչյուր մասը կոչվում էր «pare mukataasi»: Եթե մյուլթեզիմը ի վիճակի չէր լինում կանխիկ վճարել ամբողջ կապալավարձը, այդ դեպքում նա պարտավորվում էր այն մուծել մաս առ մաս (kist taksid)¹⁰:

Կայսրության հզորության շրջանում պետությունը աշխատում էր մուկատաաների կառավարումը հանձնել իրենից անմիջական կախման մեջ գտնվող էմիններին, սակայն երբ վրա էր հասնում հերթական ֆինանսական ճգնաժամը, նորից ստիպված էր լինում դիմել մյուլթեզիմների ծառայությանը: Ըստ աղբյուրների վկայության, XVI դ., երբ կայսրութայնը հասել էր հզորության գագաթնակետին, մուկատաաները հիմնականում տնօրինել են էմինները¹¹:

Սովորաբար կապալառության ժամկետը սահմանափակվում էր մեկից երեք տարով: Այս կարգը հազվադեպ էր խախտվում: Ավելի հաճախ կիրառվում էր մուկատաաները մեկ կամ երկու տարով իլթի-

զամի տալու պրակտիկան¹²։ Անկախ պետութեանը վճարած կապալա-
վարձից, ամիլը՝ լինել նա էմին թե մյուլթեզիմ, սույն գումարի 0,02
տոկոսի չափով մի գումար ևս հատկացնում էր արքունիքի կրտսեր
սպայակազմի ծախսերը հոգալու համար։

Բացի վեզիրներից և փաշաներից, իրենց վստահված տիրույթներից
հավաքվող հարկերը իլթիզամի էին տալիս նաև սանջակների կառա-
վարիչները և նույնիսկ որոշ խոշոր սիփահիներ։ Այս դեպքում ևս
առկա էր պետական եկամուտների կապալի տրվելու փաստը, սակայն,
ի տարբերութուն մինչև այստեղ շարադրվածի, տվյալ դեպքում գոր-
ծարքը կնքվում էր ոչ թե կենտրոնական կառավարութեան և կապա-
լառուի, այլ շարքային պետական պաշտոնյայի, որն այդ տիրույթի ան-
միջական տերը չէր, և մասնավոր անձերի միջև¹³։ Դա որակապես նոր
երևույթ էր Օսմանյան հասարակութեան տնտեսական կառուցվածքի մեջ,
որը որոշ ժամանակ անց ծնունդ էր տալու նոր սոցիալական հարա-
բերությունների։ Այսպիսով առաջանում էր պորտաբույծ շահագործող-
ների բավական երկար մի սանդուղք, որի յուրաքանչյուր աստիճանին
թառած կապալառու ձգտում էր իրեն ենթակա իլթիզամից առավե-
լագույն շահույթ կորզել։ Ինքնին հասկանալի է, որ ինչքան երկա-
րում էր այդ սանդուղքը, նույնքան սաստկանում էր հարկատու զանգ-
վածների կեղեքումը։

Իլթիզամի սիստեմի տարածման ժամանակ պետութունը կանգ-
նեց իր համար բացասական մի փաստի առջև։ Վերևում նշել էինք, որ
նորընծա կապալառուները, ի վիճակի չլինելով կապալավարձը կան-
խիկ վճարել, պարտավորութուն էին ստանձնում այն մոծեկ մաս առ
մաս։ Սակայն հաճախ էր պատահում, երբ մյուլթեզիմները այս կամ
այն պատճառով ուշացնում էին մոծումները, իսկ այս հանգամանքը
խանգարում էր պետական միջոցառումների ֆինանսավորումը։ Այդ
իսկ պատճառով իլթիզամների վաճառքի ժամանակ կենտրոնական
կառավարութունը սկսեց օգտվել հարուստ դրամատերերի ծառայու-
թյունից։ Որոշ մեծահարուստների պետական գանձատան վարչու-
թյունը տրամադրում էր, այսպես կոչված «արտոնյալ մուրհակներ»
(imtiyazli senetler) ու այս վերջիններս ձեռք էին բերում կապա-
լառու-մյուլթեզիմներին երաշխավորելու մենաշնորհը¹⁴։ Այսպիսով
պատմաբան իջավ խոշոր դրամատերերի մի կորպորացիա, որի ներ-
կայացուցիչները հիմնականում բնակվում էին Պուսո Ղալաթիո թա-
ղամասում և ապրում էին բացարձակապես ի հաշիվ իլթիզամներից
ստացած տոկոսներին¹⁵։

Նորընծա խավի ներկայացուցիչները հայտնի դարձան «Գանձարանի դրամափոխներ» (hazine sarraflari) անունով: Ընդ որում նրանց ծառայությանն սկսեցին դիմել ոչ միայն մյուլթեղիմները, այլ նաև վիլայեթներում կառավարիչ նշանակվող փաշաները, որոնք որպես կանոն՝ ծառայության սկզբում միջոցներ չէին ունենում¹⁶:

Դրամափոխ-սարրաֆները 2500-ից մինչև 10000 դուրուշ արժողությամբ մուրհակ ձեռք բերելու հարկ (berat harci) էին մուծում և կապալագինը ամբողջությամբ մուծելուց հետո արտոնյալ մուրհակները հետ էին ստանում¹⁷: Այստեղից հետևում է, որ ամեն մի սարրաֆ միաժամանակ կարող էր երաշխավորել լոկ մեկ մյուլթեղիմի: Այն պահից, երբ գործարքը կնքվում էր, մյուլթեղիմը մեկնում էր իր տիրույթը, ուր կառուցել էր տալիս իր դղյակը և ստեղծում սեփական շահագործման ապարատը, որի մեջ մտնում էին՝ երկու խորհրդական, երկու թիկնապահ, մեկ սպա և երեսուցից քառասուն հոգուց բաղկացած զինված մի ջոկատ, որը նրա տիրակալության օրոք կատարելու էր ոստիկանական ֆունկցիա¹⁸: Չնայած այն հանգամանքին, որ մյուլթեղիմը պատասխանատու էր նաև տվյալ վայրի անվտանգության համար, սակայն նա բացարձակապես զբաղվում էր հարկեր կորզելով: Նրա գործակալները գիշեր-ցերեկ շրջում էին փողոցներում, որպեսզի հայտնաբերեն և ձերբակալեն «օրինազանցներին»: Այս հասկացության տակ էին մտնում խաղամոլները, հարբեցողները, գիշերով առանց կանթեղի տնից դուրս եկած անցորդները և այլն: Սակայն հաճախ էր պատահում, երբ «օրինազանցների» ցուցակի մեջ էին ընդգրկվում նաև տեղի ունեւորները, որոնք ի վիճակի էին բարձր փրկագին վճարել¹⁹:

Ուշագրավ է այն փաստը, որ առաջին սարրաֆները դուրս են եկել կայսրության տարածքում բնակություն հաստատած հրեաների միջից, որոնցից մի մասը՝ առավելապես մահմեդականություն ընդունողները, հաճախ դարձել են նաև մյուլթեղիմներ²⁰: Սակայն հալառետրական բուրժուազիայի ձևավորումից հետո, հայազգի և մասամբ հույն սարրաֆները դարձան գերիշխող: XVIII դ. և հատկապես XIX դ. առաջին կեսին խոշոր իլթիզամների առկուծի բաժինը գտնվում էր հայ դրամատերերի, հատկապես պոլսահայ սարրաֆների հսկողության տակ²¹:

XVII դ. առաջին տասնամյակներում, այսինքն ջեալիների շարժման²² մայրամուտից հետո, պետական հողերի ճնշող մեծամասնու-

թյունը կազմող թիմարների քանակը խիստ նվազել էր: Դարի կեսերին պետութունը որոշում է պահպանված թիմարների մոտ 50 տոկոսի եկամուտները վերցնել անմիջական հսկողության տակ: Այս պահից ըսկըսած, զանազան պատճառներով անտիրական մնացած թիմարները կամ զավթվում են բարձրաստիճան պաշտոնյաների, առավելապես մայրաքաղաքային բյուրոկրատիայի ներկայացուցիչների կողմից: Կամ պետության կողմից կապալի են տրվում: Նախկին սիփահիների մի մասը ես վերածվում է մյուլթեզիմների²³:

XVII դ. վերջերին իլթիզամի ինստիտուտը ենթարկվեց որակական փոփոխությունների: 1695 թ. հունվարի 30-ին Բարձր Դուռը հրապարակեց հատուկ մի հրովարտակ, որով նախկինում սահմանափակ ժամկետով ղուպալի տրվող մուկատաանները վերածվում էին անժամկետ կամ ցմահ տիրույթների²⁴:

Պետական մուկատաանները ցմահ կապալի տալու երևույթը ստացավ «մալիքյանեի սիստեմ» (malikane sistemi) անունը, իսկ այս հիմունքով իլթիզամի տրվող մուկատաանները սկսեցին կոչվել «մալիքյանեններ»²⁵:

Պետությանը այս քայլին դիմելու դրդեցին մի շարք կարևոր հանգամանքներ, որոնցից ամենաէականը, արտաքուստ, ֆինանսական դժվարություններն էին: Այդ դժվարությունները բացատրվում էին հետևյալ պատճառներով.

—XV—XVI դդ. խոշոր աշխարհագրական հայտնագործությունների հետևանքով ինչպես Եվրոպան, այնպես էլ Օսմանյան կայսրությունը հեղեղվել էր անդրօվկիանոսյան էժան ոսկով ու հատկապես: Թուրքական հիմնական դրամամիավորի հումք հանդիսացող արծաթով, որի հետևանքով Թուրքական ակշին խիստ արժեքազրկվել էր:

—Այդ նույն պատճառով Եվրոպան Արևելքին կապող առևտրական մայրուղիները փոխել էին իրենց ուղղությունը, իսկ դա հարվածեց առևտրին ու արհեստներին:

— XVI—XVII դդ. կայսրությունում ծավալված ներքին խռովությունները, որոնք պատմությանը հայտնի են «չելալինների շարժում» ընդհանուր անվամբ, մեծ վնաս էին հասցրել պետության եկամուտներին, քանզի հարկահանության մեծաշնորհն ստանձնած մյուլթեզիմները կս'մ չէին կարողանում, կա'մ էլ, օգտվելով ողջ երկրում տիրող անիշխանությանից՝ հրաժարվում էին կատարել կապալավարձի հերթական մուծումը:

—Ժամանակին Օսմանյան բանակի հիմնական կորիզը հանդիսացող սիփահինների հեծելազորը կորցրել էր ռազմական նշանակությունը, այդ իսկ պատճառով բանակը հետզհետե համալրվում էր վարձկան ենիշերիններով, որոնց ֆինանսավորման համար ահռելի միջոցներ էին պահանջվում:

—Սահմանափակ ժամկետով իլթիղամներ ձեռք բերողները մասհոգաված էին կարճ ժամանակահատվածում առավելագույն շահույթ կորզել, այդ իսկ պատճառով խլում էին հարկատուների վերջին ունեցվածքը՝ դրանով իսկ վտանգելով պետության եկամուտների ապագան:

Այս արտաքին երևույթների կողքին կար նաև մի ներքին պատճառ, որի նշանակությունը դժվար է գերազնահատել. XVII դ. վերջերից սև. մանյան ֆեոդալիզմը թևակոխեց իր զարգացման ամենաբարձր փուլը, որի առաջին նշանները եղան կենտրոնական իշխանության թուլացումը և նախկինում լիովին կենտրոնից կախված վալիների, սանջակբեյների և սիփահինների ֆեոդալիզացիան: Դրա անմիջական հետևանքը եղավ սեպարատիստական և ապակենտրոնական միտումների ուժեղացումը, որոնց հիմնական նպատակը պետական հողերի վրա մասնավոր սեփականատիրության հաստատումն էր²⁵:

Մալիքյանեի համակարգի տարածմանը համընթաց իլթիզամի առարկա է դառնում նաև հողը, հիմնականում՝ իրենց պարտավորությունները շկատարող սիփահիններից իւլված, կամ մարտի դաշտում սպանված սիփահիններից թափուր մնացած թիմարները²⁷:

Այս համակարգի օրոք մյուլթեղիմների քանակն ուղղակի կախված էր վիլայեթներում ու սանջակներում տարածված հողատիրության ձևերի՝ խասսերի, վաքըֆների, զեամեթների և թիմարների քանակից²⁸: Սակայն պատահում էր, երբ որևէ վիլայեթի կամ սանջակի բոլոր եկամտի աղբյուրները կենտրոնանում էին նույն անձի ձեռքում:

Մալիքյանեի ընձեռած հնարավորությունները դրդեցին պետությանն այն տարածել բոլոր հարկատեսակների վրա: Շատ շանցած ամենաեկամտաբեր մալիքյանները վերածվեցին վեզիրների, փաշաների, ինչպես նաև պալատական կանանց (տիկին սուլթանների) մասնավոր կալվածքների²⁹:

Մալիքյանեների վարձակալները ևս նախընտրում էին օգտվել կապալառու-մյուլթեղիմների ծառայությունից, իսկ իրենք բնակվում էին որևէ խոշոր քաղաքում և ապրում ի հաշիվ ցմահ տիրույթներից ստացած ռենտայի³⁰:

Սրանք, որպես կանոն, մալիքյաններում հարկերի հավաքման և ներքին անվտանգության պահպանման գործը հանձնարարում էին իրենց փախանորդներին, այսպես կոչված՝ «վոլվոդաններին»³¹։ Վոլվոդաններն էլ իրենց հերթին, հարկերի հավաքման գործը կապալի էին տալիս երկրորդական մյուլթեղիմներին³²։ Փաստորեն մալիքյանների բնակիչներն անմիջական կախման մեջ էին մյուլթեղիմներից, ժայրահեղ դեպքում՝ սուբաշիներից³³։

Եթե նախկինում իլթիզամը պետության և առանձին անհատների միջև կնքվող մի գործարք էր, ապա մալիքյանեի սիստեմի օրինականացումից հետո այն վերածվեց մասնավոր անձանց միջև կնքվող մի գործարքի։ Այս հանգամանքն ունեցավ, ինչպես վերևում նշեցինք, ոչ միայն տնտեսական, այլ նաև սոցիալական հետևանքներ։ Այս պահից սկսած մյուլթեղիմ դառնալու ավելի լայն հնարավորություններ են ստանում տեղական ավազանու ներկայացուցիչները՝ այսինները³⁴։ Ընդ որում, իլթիզամները կապալի տալիս նախապատվությունը սկսում են այսիններին տալ ոչ միայն մալիքյանների տիրակալները, այլ հենց ինքը՝ պետությունը։ Օգտվելով իրենց նյութական հնարավորություններից և բարձրաստիճան իշխանավորների հովանավորությունից, այսիններն աստիճանաբար իրենց ձեռքում են կենտրոնացնում տվյալ շրջանի բոլոր իլթիզամները։ Այսպիսով պատմաբան է իջնում ոչ պաշտոնական մի պաշտոնատար անձ, շահագործողների մի նոր տարատեսակ, որին Կ. Մարքսը բնութագրել է որպես կոպիտ դրամի հանդեպ ագահ մի նորեկուկի³⁵։

Ավելի ուշ շրջանում տեսնում ենք, որ իլթիզամի սիստեմը տաքածվում է նաև վարչական պաշտոնների վրա։ Այսպես, 1604 թ. սեպտեմբերի 29-ին Բյուզյուք Հայմանայի սուբաշիի պաշտոնը 15 հազար ակչեով կապալի է տրվել ումն Հասան բին Ռեջեբի³⁶։ Սովորաբար վարչական պաշտոններին հավակնում էին վերոհիշյալ այսինները, որոնք XVII—XVIII դդ. աստիճանաբար շեղոքացրեցին կադիների և զորահրամանատարների իշխանությունն ու վերածվեցին սանջակների միահեծան կառավարիչների։ Իլթիզամի շնորհիվ բարձր դիրքի հասած այսինների մեջ ամենահզորը թերևս Կարասաման-Օղլուների տոհմն էր։ XVIII դ. Սարուխանի սանջակի (ժամանակակից Իզմիր) բոլոր մուկատանները, իսկ հետագայում նաև բոլոր վարչական պաշտոններն անցան այս տոհմի ներկայացուցիչների ձեռքը, որոնք մինչև 1816 թ. արևմտյան Փոքր Ասիայի միիշխան տերերն էին դարձել³⁷։

Մալիքյանների սիստեմի տարածվելն ուղեկցվում էր գյուղացիների մասսայական հողագրկմամբ: Վերջիններս ապրուստի միջոց հայթայթելու հույսով լքում էին պապենական օջախը և մեկնում խոշոր քաղաքներ: 1724 թ. հրապարակված սուլթանական հրովարտականներից մեկում խոսվում էր այն մասին, որ «Բեռնեղիի և Անատոլիայի թիմարների և ղեմամետների բնակիչներից ոմանք լքում են իրենց բնակավայրը, հրաժարվում են զբաղվել հողամշակությամբ և լցվում են Պոլիս: Չնայած պետության կողմից ստեղծված զանազան արգելքներին, Պոլսում գործազուրկների թիվն օրեցօր աճում է»³⁸: Բնական է, որ գյուղացիների մասսայական հոսքը ղևպի խոշոր քաղաքներ պայմանավորված էր ոչ թե նրանց «հողամշակությամբ զբաղվելուց հրաժարվելով», այլ ֆեոդալիզմի զարգացման հետևանքով: գյուղում նոր սոցիալական հարաբերությունների ստեղծումով, որին պակաս ներդրում չունեցավ նախ իլթիզամի, ապա նաև նրա բարձրագույն փուլը հանդիսացող մալիքյանների սիստեմը:

Զգալով վերահաս վտանգը, կենտրոնական կառավարությունը փորձել է վերացնել ցմահ կապալառության սիստեմը, բայց արդյունքի չի հասել: Օրինակ, 1715 թ. սուլթան Ահմեդ III-ի հրահանգով մալիքյանների ստատուս ունեցող պետական հողերը կրկին պետք է վերածվեին կարճաժամկետ մոկատաանների³⁹, սակայն այս որոշումը մնաց թղթի վրա. մալիքյանների սիստեմի շնորհիվ պաշտոնի և ուրի հասած վալիները, մյուսեմսիլիմները և այլաները ոչ ոքի թույլ չէին տալիս ոտնահարել իրենց «հարստահարելու իրավունքը»⁴⁰:

Համաձայն XIX դ. առաջին կեսին Փոքր Ասիայում շրջագայած եվրոպացի ճանապարհորդների վկայության, հիշյալ ժամանակաշրջանում իլթիզամի սիստեմը շարունակում էր բուռն ծաղկում ապրել: Ամեն տարի հողային հարկի (vergi) գանձման իրավունքը աճուրդի էր հանվում ըստ վիլայեթների, սանջակների, կազանների և նահիենների: Աճուրդներին որպես երաշխավոր հանդես էին գալիս հայ, երեմն էլ հույն սարրաֆները⁴¹:

XIX դ. 30-ական թթ., երբ Օսմանյան կայսրությունում սկսեցին աճեցնել վերնախավային բարենորոգումներ, խնդիր դրվեց նաև իլթիզամը վերացնելու մասին: Այս ձգտումը արձագանք գտավ նաև 1839 թ.-ի սուլթանական հրովարտական, որը հայտնի է Գյուլխանեի «հաթթը շերիֆ» կամ թանշիմանյան հրովարտակ անունով: Հաթթում մասնավորապես ասված էր. «Իլթիզամը մի աղետ էր, որից պետու-

թիւներ երբեք օգուտ չտեսաւ: Այն նշանակում էր մի ամբողջ շրջանի քաղաքական ու տնտեսական բախտը վստահել մի անձնավորութեան, որն իր ազահութեանը հագուրդ տալու համար ծծում էր ժողովրդի ար-յունը»⁴²: Չնայած ան բանին, որ 1842 թ. փետրվարին պետութիւնը ստիպւած եղաւ վերականգնել, իսկ 1847-ին ևս հինգ տարով երկա-րացնել իլթիզամի գործունեութեան ժամկետը⁴³, սակայն նոր արտա-դրական հարաբերութիւնների ստեղծումով այս ինստիտուտի գոյա-տեւան հնարավորութիւններն արդեն սպառւած էին: Առանձին դեպ-քերում իլթիզամի պրակտիկան կիրառւում էր մինչև կայսրութեան վախճանը⁴⁴, սակայն երկրի տնտեսական կյանքի ընդհանուր ֆոնի վրա այն արդեն որակ չէր կազմում:

Ուսումնասիրութեան արդյունքները թույլ են տալիս հանգել հետև-յալ եզրակացութիւններին.

Իլթիզամը որպէս հարկահանութեան սիստեմում կիրառւող երե-վուծ, գոյութիւն է ունեցել Օսմանյան պետութեան կազմավորման ժա-մանակից, սակայն այն կուռ սիստեմի է վերածվել լոկ XVI դարում: Այն արտադրական և հասարակական հարաբերութիւնների խորքում տեղի ունեցող պրոցեսների ծնունդն էր: Ընդհանուր պատմական բնե-դենցը տանում էր դեպի ավելի բարձր մակարդակի արտադրական հա-րաբերութիւնների ստեղծում: Այս ճանապարհին իլթիզամը հին՝ ֆեո-դալիզմի զարգացման ստորին փուլին յուրահատուկ պետական հողա-տիրութեան, և նորի՝ մասնավոր հողատիրութեան ձևերի պայքարի ծնունդը հանդիսացաւ:

Իլթիզամի վերաճումը մալիքյանների սիստեմի, թուրքական ֆեո-դալիզմի էվոլյուցիայում մի նոր փուլի սկիզբն էր նշանավորում: Այս փուլն ավարտվեց կենտրոնախույս ձգտումների կրող հանդիսացող խոշոր հողատերերի՝ ալանների երևան գալով:

Իլթիզամի սիստեմը մեծուպէս նպաստեց առևտրական բուրժուա-զիայի ձևավորմանը, որը պատմական այլ միջավայրում կարող էր վե-րածվել արդյունաբերականի: Սակայն օսմանյան հասարակարգի բնո-րոշ առանձնահատկութիւնները թույլ չտվեցին կապիտալիստական հա-րաբերութիւնների խորացմանը:

Կատարելով իր պատմական առաքելութիւնը և հող նախապատ-րաստելով նոր արտադրական հարաբերութիւնների համար, իլթիզամը վերածվեց ֆեոդալական կարգերի կոնսերվացման միջոցի և դուրս մղ-վեց նոր ինստիտուտների կողմից:

ИЗ ИСТОРИИ ОСМАНСКОЙ ОТКУПНОЙ СИСТЕМЫ (ИЛЬТИЗАМ)

В османской налоговой системе, равно как и социально-экономической жизни империй, значительную роль сыграла откупная система взимания налогов, т. н. «ильтизам». Несмотря на это, вопрос этот до последнего времени не подвергался специальному изучению, хотя как отечественные, так и зарубежные османисты в своих трудах неоднократно затрагивали эту проблему. Критически осмыслив источники, главным образом опубликованные в последние десятилетия турецкие документы, автор сделал попытку показать сущность и место этого феодального института в жизни османского общества и пришел к следующему заключению: Ильтизам в османском обществе существовал не с XVI века, как считалось ранее, а с раннего периода его существования, а в XVI в. был распространен также на земельные доходы и был превращен в систему; он явился одним из выражений перехода от государственной собственности на землю к частной, что в тех исторических условиях было прогрессивным явлением; превращение ильтизама в систему пожизненных откупов (маликяне) ознаменовало вступление османского общества в этап развитого феодализма, о чем свидетельствовало возникновение крупных феодалов-аянов, ставших носителями центробежных устремлений; ильтизам определенно способствовал образованию торгово-ростовщической буржуазии, а в совокупности — складыванию новых производственных отношений. Этим он исчерпал свои возможности и, как пережиток прошлого, был вытеснен из жизни общества новыми общественными отношениями.

1 См. А. Ф. Миллер, Мустафа папа Байрактар. Оттоманская империя в начале XIX в., М.—Л., 1947; А. Д. Новичев, История Турции, т. I. Эпоха феодализма, Л., 1963; И. М. Смилянская, К вопросу о разложении феодальных отношений в Сирии, Ливане и Палестине в середине XIX в. — «О генезисе капитализма в странах Востока (XV—XIX вв.)», М., 1962; В. П. Мутафчиева, К вопросу о феодальной иерархии в османской военной системе (XV—XI вв.). — «О генезисе капитализма в странах Востока (XV—XIX вв.)», М., 1962; Հ. Ղազարյան, Արևմտահայերի սոցիալ-տնտեսական և քաղաքական կացութիւնը 1800—1870 թթ., Երևան, 1967

1. Լկլլազովսի, *Պատմութիւնն Օսմանյան պետութեան*, հհ. Ա, Բ, Վեների 4 1811, St. Shaw, The Financial and Administrative Organisation and Development of Ottouma: Egypt. Princeton, 1962; H. Inalcik, The Ottoman Empire. The Classical Age, 1300—1600. London, 1973;
- 2 M. Akdag, *Türkiyenin İktisadi ve İçtimai Tarih*, c. 2, 1453—1559, İstanbul, 1974.
- 3 Z. Karamürsel, *Osmanlı Mali Tarihi hakkında tetkikler*. TTK yayını, Ankara. 1949 S. 202
- 4 M. Sencer, *Osmanlı Toplum Yapısı. Devrim sirajedisı açısından*. İstanbul 1969, S. 295. M. Z. Pakalın. *Tarih Deyimleri ve Terimleri sözlüğü*, İstanbul 1971, c. 2, S. 57—58 madde „İltizam“ ve „İltizamat“.
- 5 M. Z. Pakalın, նշվ. աշխ., M. Akdag, նշվ. աշխ. S. 335—336; M. P. L. d'Aubignosc, *La Turquie nouvelle jugée au point ou l'ont ammenées les, reformes du Sultan Mahmud*, tome 2, Paris, 1899, p. 109.
- 6 M. Akdag, նշվ. աշխ., էջ 335—336;
- 7 Ibid, նույն տեղում;
- 8 Խաղմական ծառայութեան դիմաց սխտական հոգերի ժամանակավոր տիրակալութիւնն ստանձնած ղինվորականները, այսպես կոչված ղախները և թիմարատները;
- 9 M. Akdag, նշվ. աշխ., էջ 339;
- 10 Նույն տեղում, էջ 343; Սովորաբար պատմական գրականութեան մեջ տարածված է այն կարծիքը, համաձայն որի մյուլթեղիմները ահուրդի ժամանակ վճարում էին իլթիզամի ամրողչ արծեքը: Իրականում ավելի հաճախ կիրառվում էր այս գումարը մաս առ մաս մուծելու պրակտիկան: Հակառակ դեպքում անհասկանալի էր ղառնում դրամսիտիս-սարրաֆներին ղերը այս գործարքներում:
- 11 Նույն տեղում:
- 12 M. P. L. d'Aubignosc, նշված աշխ., էջ 109;
- 13 M. Akdag, նշված աշխ., էջ 346;
- 14 M. J. Pakalın, նշվ. աշխ., էջ 37—58;
- 15 R. Kaynar. *Mustafa Reşit Paşa ve Tanzimat*, İstanbul, 1954, s. 178:
- 16 Նույն տեղում:
- 17 Pakalın, նշվ. աշխ., էջ 56;
- 18 M. P. L. d'Aubignosc, նշվ. աշխ., էջ 111;
- 19 Նույն տեղում, էջ 113: -
- 20 M. Akdag, նշվ. աշխ., էջ 113; Սուլյն աշխատութեան 351—359 էջերում հեղինակը բաղմաթիվ արխիվային փաստեր է բերում հրեաների իլթիզամներ ձեռք բերելու մասին: Դրանք հիմնականում Բուրսա քաղաքի դատական ցուցանակների արխիվից վերցված նյութեր են:
- 21 S. Yerasimos, *Azgelışmıſ'lık sürecinde Türkiye*, c. 2, İkticil baskı, İstanbul, 1977, s. 613: Պատահում էր, որ թիմարատները, ղախները և վաքըֆների մզութեկեկիները ևս իրենց տիրութեները բարձր տոկոսներով կապալի էին

- տալիս ուսուցիչներին, վերջիններս իրենց հերթին դրանք վերավաճառում էին
 երկրորդական մյուլթեզիմներին և այլն. Տես՝ N. Berkes, Türkiyede Çağdaş-
 laşma, Ankara, 1973, s. 101:
- 22 Այս մասին տե՛ս Մ. Կ. Զուլյան, Ջալալիների շարժումը և հայ ժողովրդի վի-
 ճակը Օսմանյան կայսրության մեջ, Իրեան, 1966:
- 23 M. A. Ubicini, Lettres sur la Turquie, Paris, 1853, s. 288:
- 24 S. Yerasimos, Նշված աշխ., հ. 1, էջ 460—470:
- 25 Մյուլթե (մասնավոր սեփականություն) և մելիթ կամ մալիթ (սեփականատեր)
 բառերից, Այս հանգամանքը ցույց է տալիս, որ պետական հողատիրության
 սխտեմում առաջ էր եկել մի նոր՝ մասնավոր հողատիրության վերածման մի-
 տում: Ձևականորեն մալիթյանի տերը տվյալ մոկատտայի տիրակալն էր դառ-
 նում միայն իր կենդանության օրոք և այն ժառանգելու իրավունք չուներ, Սա-
 կայն դա պետական հողատիրությունից դեպի մասնավոր կատարված կարևոր մի
 քայլ էր, որը խարխիւց Օսմանյան ավանդական հողատիրության հիմքերը:
- 26 М. С. Мейер, К периодизации истории Турции эпохи феодализма.—Тюр-
 кологический сборник, 1976, М., 1978, с. 75—87.
- 27 Ç. Uluçay, 18. ve 19. yüzyıllarda Saruhanda eşkiyalık ve halk hareketleri,
 İstanbul, 1955. s. 7.
- 28 Նույն տեղում:
- 29 Նույն տեղում:
- 30 N. Berkes, Նշված աշխ., էջ 93: Այս շրջանում բոլոր խասսերը և եկեղեցապատ-
 կան հողերը բաժանված էին պալատի կանանց միջև, որոնք մեծ հաճությամբ
 սկսեցին օգտվել հարկահավաք-մյուլթեզիմների ծառայությունից. M. A. Ubicini,
 Նշված աշխ., էջ 7:
- 31 Սլավոնական «վոեվոդա» բառի աղավաղված ձևը:
- 32 Y. Yücel, Նշված աշխ., էջ 682:
- 33 Սուրաշին նշանակվում էր սանջակբեյի կողմից և պատասխանատու էր տվյալ
 վարչական միավորի ներքին անվտանգության համար:
- 34 Այսինքնի մասին տե՛ս Մ. Բոլբյան, Այսնյըք և դերբեյիթ ինստիտուտների մա-
 սին,—ՀՄՄՀ ԳԱ «Իրարբր հասարակական գիտությունների», 1981, № 9: V. Muta-
 ficiev, L'Institution de l'ayanlık pendant les dernières décennies du XVII.
 siècle.—Etudes Balkaniques, Sofia, 1965, № 2—3, p. 233—247; H. Bowen,
 Ayan.—Encyclopedie de l'Islam, t. 1, Paris, 1958, p. 801; I. H. Uzunçarşılı,
 Ayan.—Islam Ansiklopedisi, c. 2, Ankara, 1946, s. 41.
- 35 К. Маркс, Капитал. Критика политической экономии. Т. 3. — К. Маркс и
 Ф. Энгельс, Соч., изд. 2-ое, т. 25, ч. 2, с. 146.
- 36 Ç Uluçay, Նշված աշխ., էջ 152:
- 37 M. Aktepe, Patrona isyanı, İstanbul, 1958, s. 8—9; Ç. Uluçay, Նշված աշխ.,
 էջ 7.
- 38 M. Belin, Türkiyenin İktisadi Tarihı hakkında tetkikler, Ankara, 1931.
 s. 191.

- 39 M. Aktepe, *Ызлыш шж.*, т. 4—5.
- 40 R. Kaynar, *Ызлыш шж.*, т. 178.
- 41 M. A. Ubicini, *Ызлыш шж.*, т. 141.
- 42 R. Kaynar, *Ызлыш шж.*, т. 178.
- 43 А. Д. Новичев. История Турции. Новое время, т. 2, ч. I (1792—1839), Ленинград, 1968, с. 129; M. A. Ubicini, *Ызлыш шж.*, т. 141.
- 44 W. L. Wright, *Ottoman Statecraft. The book of counsel for vezirs and governors*, Princeton, 1935, p. 93.